

兪封冠軍侯就國章從太守行春到冠軍太守猶欲謁之章進諫曰今日公行春豈可越儀私交且憲椒房之親勢傾王室而退就藩國禍福難量明府剖符大臣千里重任舉止進退其可輕乎太守不聽遂便升車章前據佩刀絕馬鞅於是廼止及憲被誅公卿以下多以交關得罪太守免以此重章舉孝廉六遷爲五官中郎將延平元年爲光祿勳永初元年代魏霸爲太常其冬代尹勤爲司空是時中常侍鄭衆蔡倫等皆秉勢豫政章數進直言初和帝崩鄧太后以皇子勝有痼疾不可奉

隨州志

卷十一 耆舊

三

承宗崩貪殤帝孩抱養爲己子故立之以勝爲平原王及殤帝崩羣臣以勝疾非痼意咸歸之太后以前旣不立恐後爲怨廼立和帝兄清河孝王子祐是爲安帝章以衆心不附遂密謀閉宮門誅車騎將軍鄧騭兄弟及鄭衆蔡倫劫尚書廢太后於南宮封帝爲遠國王而立平原王事覺勝策免章自殺家無餘財諸子易衣而出并日而食

後漢書本傳

宋 南北朝

雙泰真隨郡人沈攸之爲荊州招集才力之士以泰真有

幹力名不肯來後泰真至江陵買賣有以告攸之者攸之因留之補隊副厚加料理泰真無停志少日叛走攸之遣二十人被甲追之逐討甚急泰真殺斃人餘者不敢近欲過家將母去事迫不獲單身走人變中追者既失之錄其母而去泰真既失母乃出自歸攸之不罪曰此孝子也賜錢一萬轉補隊主

宋書攸之傳

宋

李堯輔字公佐歐陽永叔作昌黎文集序云予寓漢東隱士李氏子堯輔頗好學於家得昌黎集六卷乞歸讀之

隨州志

卷十一 耆舊

四

見其淵源而雄博又爲作東園亭記云城南李氏爲著姓家多藏書教子孫以學公佐好學有行鄉里推之

補傳

宋綬字公垂其先趙州平棘人徙隨州博通經史百家年十五名試中書真宗愛其文後又試學士院爲集賢校理官至資政殿大學士孝謹清介言動有常家藏書萬卷親自校讎筆札尤精妙及卒帝多取其書字藏於禁

中祀鄉賢

湖廣通志

宋敏求綬之子官至龍圖閣學士家有書三萬卷皆畧誦

習所著書學者多咨之祀鄉賢

全上

劉達字公路隨州人進士高第調越州觀察判官歷太學  
太常二博士禮部考功二員外郎國子司業崇寧中連  
擢秘書少監太常少卿中書舍人給事中戶部侍郎兵  
部尚書同知樞密院拜中書侍郎蔡京罷首勸碎元祐  
黨人碑寬邪黨之禁復謫者仕籍凡京所行悖理虐民  
事與趙挺之稍稍澄正然挺之多智慮後患每建白務  
開其端而使獨終其說達欲自以為功直情不顧未滿  
歲帝疑其擅余深石公弼遂乘機論達專恣反覆投開  
抵讞盡廢紹述良法凡所啟用多取邪黨及籍中子弟

隨州志

卷十一 耆舊

又庇其婦兄章縱盜鑄罪罷知亳州責鎮江軍節度副  
使安州居住稍起知杭州名為資政殿學士醴泉觀察  
使未至卒年五十贈光祿大夫 宋史本傳

孟宗政字德夫絳州人父林從岳飛至隨州因家焉自幼  
豪偉有膽畧起家土豪常出沒疆場閒未嘗學兵法而  
暗與之合好賢樂善出於天性有功者怨必賞有罪者  
親必罰開禧二年金將完顏董犯襄郢平義士據城邀  
擊奪其輜重宣撫吳玠奇之補承節即趙方吳玠等皆  
薦其才轉秉義即京西鈐轄駐劄襄陽與扈再興

蹀血以戰金兵敗走尋報棗陽圍急宗政午發峴首遲  
明抵城馳突如神金人駭遁方聞大喜差權棗陽軍初  
一竊事一僕犯令立斬之軍民股栗益築隄積水修治城  
堞簡閱軍士金帥賽不擁步騎圍城與再興合兵角敵  
敗之于尚家川歷三月大小七十餘戰身先士卒厚募  
壯士乘間突擊伏兵城東金人盛兵薄城宗政隨方力  
拒再至再北適隨守許國援師至白水鼓聲相聞宗政  
率諸將出來攻敵大奔潰賜金帶轉武德卽次年詔可  
復擁步騎傅城募礮手擊之一礮輒殺數人金選精騎

二千號弩子手擁雲梯天橋先登陷城穴地道宗皆  
計設備禦之列勇士以長槍勁弩擣其衝以長戈春其  
喉自斫至是死傷踵接梯橋盡燬金人連不得志俄  
順風渡濠飛脂葦燒戰棚將士血戰凡十五陣殲金  
千餘弩子手十七八射其都統殪之會王大任領銳  
一千冒重圍轉鬪入城內外合勢士氣大振賈勇入金  
營自晡至三更橫屍徧地奪印十有六紐訛可棄帳走  
獲輜重牛馬萬計升武功大夫兼閣門宣贊舍人重賜  
金帶制置司以湖陽縣迫敵境檄宗政圖之一鼓而拔

擒其千戶趙興兒燔積聚填營砦俘掠以歸金人自是  
不敢來窺襄漢棗陽尋代許國爲荆鄂都統制仍知棗  
陽敵追濠而陳廼於西北濠外瀦水爲濶以限敵騎威  
行境外中原遺民歸者不可勝數皆發廩以贍糊屋與  
居籍其勇壯二萬餘人號忠順軍轉右武大夫團練防  
禦使以病疽卒邊人罷市慟哭子瓌琪瑛璋皆任兵官  
本傳

孟琪字璞玉宗政子屢以功補進勇副尉訛可來攻棗陽  
琪登城射却之宗政命琪取間道劫金營破砦十八斬

隨州志

卷十一

耆舊

七

首千餘級大獲軍器以升下班祇應入謁制置使趙方  
奇之辟光化尉轉進武校尉授承信卽父憂起復歷成  
忠忠翊二卽差峽州兵馬押監兼在城巡檢京湖制置  
司差提督虎翼突騎軍馬又辟京西第五副將權管神  
勁左右軍統制代江海總父所招忠順軍士分其軍爲  
三衆乃帖然紹定元年琪白制司翔平堰於棗陽自城  
至軍西十八里由八疊河經漸水側水跨九阜建通天  
槽八十三丈溉田十萬頃立十莊三轄使軍民分屯歲  
收十五萬石又命忠順軍家自畜馬官給芻粟馬益蕃

二年升京西第五正將棗陽軍總轄明年差京西兵  
馬都監母憂起復京西兵馬鈐轄駐劄棗陽乃總三軍  
六年元將那顏侏蓋追金主完顏守緒逼蔡徽琪戍鄂  
討金唐鄧行省武仙仙時與武天錫及鄧守移刺瑗相  
犄角欲迎守緒入蜀犯光化鋒剽甚天錫本鄧農夫乘  
亂聚衆二十萬爲邊患琪逼其壘一鼓拔之壯士張子  
良斬首以獻俘其將士授江陵副都統制賜金帶制司  
檄問邊事琪謂金人若向呂堰則八千人不爲少然須  
木查騰雲呂堰等若皆受節制乃可濟已而果犯呂堰

琪喜曰吾計得矣亟命諸軍追擊呂堰進逼大河退逼  
山險砦軍四合金人棄輜重走斬獲甲士馬牛橐駝不  
可勝計瑗遣部曲馬天章奉書請降盡獻鄧之縣鎮戶  
口官吏馬步軍迎琪入城瑗伏階下請死琪爲易衣冠  
以賓禮見金順陽令季英亦以縣降申州安撫張林以  
州降琪言于制司歸附之人宜各因其鄉土而使之耕  
因其人民而立之長少壯籍爲軍才能者分以土地任  
以職使各招其徒固守且殺敵勢七月己酉仙將劉儀  
領壯士二百降琪問盧實儀言仙所據九砦其大砦石

穴山以馬躡沙窩崑山三砦敵其前三砦不破石穴未  
易圖也若先破離金砦則王子山砦亦破崑山沙窩孤  
立三帥成禽矣琪翼日遣兵向離金盧秀華黑旗帥衆  
入金不疑爲宋軍因分據巷道大呼縱火掩殺幾盡是  
夜壯士楊貴等擣王子山砦護帳軍酣寢王建入帳中  
斬金將小元帥首丙辰出師馬躡遣樊文彬攻其前門  
成明等邀截西路一軍圍紇石烈一軍圍小總帥砦火  
燭天殺僂山積逸去者復爲成明伏軍所得凡獲壯士  
老少萬二千三百師還至沙窩西與金人遇復大捷是

日三戰三克未幾丁順等又破默候里砦琪名儀問曰  
此砦旣破板橋石穴必震汝能爲我招之乎儀曰晉德  
與花腿王顯金鎮撫安威故舊招之必來乃遣德行威  
見德叙情好甚歡介德往見顯顯卽以書乞降德復請  
琪遣劉儀候之顯軍五千猶未解甲琪令作棹棹陣入  
周視良久乃云如素所撫循者饗以牛酒皆醉飽歌舞  
琪料武仙必上崑山絕頂窺伺詰旦令文彬奪山駐軍  
其下前設伏後遮歸路已而仙果引衆登山及半文彬  
麾旂伏兵四起仙衆失措枕藉崖谷山爲之頽殺其將

兀沙惹擒七百三十人棄鎧甲如山薄暮琪進軍至小水河儀還具言仙不欲降謀往商州依險以守琪曰進兵不可緩夜漏十刻名文彬受方略明日攻石穴九砦蓐食啟行文彬患積雨未霽琪謂此雪夜擒吳元濟時也策馬直至石穴分兵進攻自寅至巳九砦俱破仙走追及於鮎魚砦易服而遁復戰於銀葫蘆山又敗仙與五六騎奔追之不見降其衆七萬獲甲兵無算遷軍襄陽轉修武卽鄂州江陵副都統制元遣宣撫王楸約攻蔡制置使謀於琪請以二萬人行因命盡護諸將金二

隨州志

卷十一 耆舊

萬騎由鎮陽橫山南來琪鼓行而前戰敗卻走追至高黃陂斬首千二百級僂蓋遣兔花忒沒荷過出阿悉三人來迓琪與射獵割鮮而飲馳入其帳僂蓋喜結爲兄弟豹馬湏飲之約南北軍毋相犯僂蓋遣萬戶張柔帥精兵五千入城金人鈎二卒以往柔中流矢如蝟琪麾先鋒救之挾柔以出黎明進逼石橋鈎致生俘郭山戰少却金人突至琪躍馬入陣斬山以徇軍氣復張殊死戰進逼柴潭俘金人百有二斬首三百餘級翼日命諸將奪柴潭樓拔之蔡人恃潭爲固外則汝河潭高於河



五六丈城上金字號樓伏巨弩琪謂麾下曰伏弩處遠不可射近彼所持此水耳決而注之澗可立待寶璽薪葦遂濟師獲其殿前副點檢温端礮之城下進還立門金驅其老稚熬爲人油礮人不堪其楚端平元年三月辛丑黑氣壓城上日無光時城中絕糧已三月戰盡敗鼓皆糜煮聽以老弱互食及斬敗軍全隊拘其肉以食故欲降者衆琪下令諸軍銜枚分運雲梯布城下己酉琪帥師向南門至金字樓列雲梯馬義先登起榮繼之萬衆競登大戰城上降其丞相烏古論栲栳殺元帥

兀林達及偏裨二百開西門招僉蓋入守緒見城已危先取寶玉真小室環以草號泣自經理焰未絕琪等共分其骨得金鑑寶玉帶金銀印牌還軍襄陽特授武功卽主管侍衛馬軍行司公事建康府都統制留屯襄陽兼領鎮北軍俄令赴樞密院稟議授帶御器械兼知光黃二州厚賚遣還朝辭上曰卿名將之子忠勤國破蔡滅金功績昭著問恢復對曰願陛下寬民力蓄人才以俟機會問和議對曰臣介冑之士當言戰不當言和三年至黃增埤浚隍蒐訪軍實軍民來歸者厚加賑貸

又慮兵民雜處因高阜爲齊安鎮淮二砦以居諸軍  
章家山母家山兩堡以居先鋒虎翼飛虎軍俄兼主管  
安撫司公事節制黃蘄光信陽四郡軍馬元兵攻蘄琪  
遣兵解其圍又攻襄陽隨守張龜壽荆門守朱楊祖異  
守喬士安皆委郡去復州施子仁死之江陵危急詔沿  
江淮西遣援衆謂無踰琪者乃先遣張順渡江琪以全  
師繼之元兵分兩路一攻復州一在枝江監利編後窺  
江陵琪變易旌旗服色循環往來夜則列炬照江數十  
里相接遣外弟趙武等進戰琪自往節度破砦二十有

隨州志

卷十一

耆舊

三

四還民二萬嘉熙元年封隨縣男樞密高州刺史忠州團  
練使兼知江陵京西湖北安撫副使元將武安解入漢  
陽境口温不花入淮甸斬守張可大舒州李士達委郡  
去光守董堯臣以州降合三郡人馬糧械攻黃守三  
帥萬文勝戰不利琪入城軍民大喜曰吾父來矣  
樓指畫戰守卒全其城斬逗遛者以徇御筆賞將士  
琪金盃白金琪分賜諸將士皆感泣二年春授寧遠  
承宣使鄂州江陵諸軍都統制置司松滋詔三軍  
趣其來上未幾授樞密副都承旨京西湖北路安撫

置副使督視行府參謀官兼知岳州檄江陵節制  
襄郢是年張俊復郢州賀順復荆門軍十二月壬子  
全戰于冢頭戰于樊城戰于卽神山屢以捷聞三年曹  
文鏞復信陽軍劉全復樊城遂復襄陽授樞密都承旨  
改制置使兼知鄂州全遣譚深復光化軍息蔡降琪命  
以兵逆之得壯士百餘籍爲忠衛軍初詔琪收復京襄  
琪謂必得郢然後可以通餽餉得荆門然後可以出奇  
兵由是指授方畧發兵深入所至以捷聞琪復奏聖襄  
不難而守爲難襄樊朝廷根本今百戰而得之當加經

隨州志

卷十一 耆舊

七

理如護元氣非精兵十萬不足分守乃置先鋒軍隸以  
襄郢歸順人庚寅謀報元兵欲大舉臨江琪策必迫施  
黔以透湖湘請粟十萬備給軍餉用二千人屯峽州千  
人屯歸州忠衛舊將晉德自光州來歸琪獎用之弟瑛  
以精兵五千駐松滋爲夔萬聲援遣于德興增兵守歸  
州隘口萬戶谷元兵自隨闕江琪密遣劉全拒敵遣伍  
思智以千人屯施州元大將塔海并禿寧帥師入蜀玆  
八十萬琪增置營砦分布戰艦遣張舉提兵開道抵均  
州防遏俄元兵渡萬州湖灘施夔震動琪兄璟時爲均

北安撫副使知峽州兼以書謀備禦琪請於督府帥  
西上環調金鐸一軍迎拒于歸州大岷若劉義捷于  
東之清平村琪弟璋選精兵二千駐澧州防施黔路四  
年進封子條上流備禦宜爲藩籬三層乞劾制置副使  
及移關外都統一軍於夔任涪南以下江面之責爲第  
一層備鼎澧爲第二層備辰沅靖桂爲第三層峽州松  
滋須各屯萬人舟師隸焉歸州屯三千人鼎澧辰沅靖  
各五千人彬桂各千人如是則江西可保又遣楊鼎張  
謙往辰沅靖三州同守倅堯論熟蠻講求恩播施黔支

徑以圖來上會謀知元兵於襄樊隨信陽招集軍民布  
種積船材于鄧之順陽乃遣張英出隨任義出信陽焦  
進出襄分路撓其勢遣王堅潛兵燒所積材遣張德劉  
整分兵入蔡火其積聚拜寧武軍節度使四川宣撫使  
兼知夔州節制歸峽鼎澧州軍馬招集麻城縣巴河安  
樂磯營公店淮民數百皆沿邊經戰之士號寧武軍令  
璋領之進封漢東郡侯兼京湖安撫制置使回鶻愛里  
八都魯帥壯士老稚人馬來降翔飛鶻軍改愛里名艾  
思孝釐蜀政之弊爲五條班諸郡縣乃擇險要立營

集流離安耕種立賞罰以課殿最俾諸司奉行之  
夔路策應屯田大使調夫築堰募農給種由歸峽至  
口爲屯二十爲莊百七十爲頃十八萬八千二百八十  
上其始末與所減兵食之數降詔獎諭靖州猓林寨  
爲亂遣王瑀平之淳祐二年淮東受兵樞密俾琪應援  
遣李得帥精兵四千赴之子之經監軍謀知京兆府  
可那廸以騎兵三千經商州取鸚嶺關出房州竹山  
王令屯江陵尋進屯郢劉全屯沙市提千人自荆門  
齋十日糧取道南漳入襄與諸軍合元兵至三川琪下

隨州志

卷十一 耆舊

令應出戍主兵官不許失棄寸土權開州梁棟乏糧請  
還怒其棄城使高達斬首以徇元兵至瀘命重慶分司  
發兵應援遣張祥屯涪州拜檢校少保進封漢東郡公  
琪言京湖有三憂其一沅之險不如辰靖之險不如三  
三州皆當措置而靖又急今粒米寸兵無所從出三  
防上自秭歸下至壽昌亘二千里自公安至峽州灘  
凡十餘處隆冬水涸節節當防三今尺籍數虧旣守  
磧又守關隘荆襄國之藩表如其有虞非但失一郡  
傾國爭之若非增兵八萬併力備禦雖韓白復生無

展巧余玠宣諭四川道過琪言重慶積粟少琪饋以  
田米十萬石五年御筆以職事修舉轉行兩官許令回  
授移鎮江陵既至登城歎曰江陵所恃三海已變爲桑  
田自城以東直至三汊無所限隔敵一鳴鞭卽至城外  
廼修復內隘十有一別作十隘於外漳水舊自城西入  
江因障而東之俾遠城北入于漢三海遂通爲一隘其  
高下爲匱蓄泄三百里閒渺然巨浸土木之工百七十  
萬民不知役繪圖上之尋乞歸不允初所招鎮北軍駐  
襄陽李虎王旻軍亂鎮北亦潰歎曰三十年收於中原

人今志不克伸矣病遂革六年九月朔大星隕于境  
如雷越戊午遂薨其夕大風發屋折木帝震悼輟朝賜  
銀絹少保三贈太師追封吉國公謚忠襄廟曰威愛生  
平忠君體國之念可貫金石在軍中與參佐部曲論事  
言人人異徐以片語折衷衆志皆愜值襄蜀蕩析士無  
所歸蜀士聚於公安襄士聚於郢渚乃作公安南陽兩  
書院以没入田廬隸之使有所教養請帝題其榜賜名  
京襄死節死事之臣請于朝建祠岳陽歲時致祭賜名  
祠忠廟謁客遊士老校退卒一以恩意撫接建鼓旂

將吏面色凜然無敢涕唾者退則焚香掃地隱几危坐  
若蕭然事外遠貨色絕滋味其學邃於易六十四卦各  
繫四句名警心易贊亦通佛學自號無菴居士子之經  
任策應司都統兼知江陵 本傳

忠襄父子實居於隨之西  
鄉今其地猶名孟家橋

庭芝字祥甫其先沛人十二世同居號義門李氏後徙  
應山遷隨州特以武顯及庭芝生有芝產于屋棟遂以  
名之自少穎異日誦千言智識出長老上見隨守王旻  
貪殘不恤下衆多怨之告于諸父曰隨必亂請移家德

隨州志

卷十一 耆舊

七

安以避之從之未浹旬旻果爲部曲挾以叛隨民死者  
甚衆嘉熙末登鄉舉時江防甚急不得行以策于孟珙  
請自效珙夜夢有李尚書謁已明日庭芝適至見其魁  
偉顧諸子曰吾相人多矣無如李生者其名位當過我  
屬四川有警卽以庭芝權建始縣旣至訓農治兵選壯  
士雜官軍教之期年民皆知戰守善馳逐無事則植戈  
而耕兵至則悉出而戰夔帥下其法於所部行之淳祐  
初登進士辟主管機宜文字珙卒復薦於賈似道庭芝  
感珙知己扶其柩葬之興國棄官行服似道鎮京湖

爲參議官移鎮兩淮議柵清口五河增淮南烽百二十  
繼知濠州復城荆山以備淮南皆切中機會開慶元年  
留權揚州尋以大兵在蜀奏除直寶謨閣湖北安撫副  
使兼知峽州以防蜀江庭芝方以母憂去會李璠窺淮  
南制使趙與憲無謀璠奪其所築南城遂由蘄水渡淮  
朝議擇守揚者無如庭芝乃奪情授秘閣修撰主管兩  
淮安撫制置司公事遂破璠兵殺其將厲元帥平南城  
而還景定二年除樞密都承旨兩淮安撫制置副使知  
揚州復敗璠于喬村破東海石圍等城明年璠降徙漣

隨州志

卷十一 耆舊

六

水三城民於通泰之間五年就加寶章閣直學士楊新  
遭兵火廬舍盡燬賴鹽爲利而亭戶多亡公私蕭然庭  
芝至則悉貸民逋假錢營屋踰歲官民居皆具鑿河四  
十里以省車運之勞免亭戶宿負二百餘萬遷亡悉歸  
鹽利大興築大城包平山堂募汴南流民二萬立武銳  
軍以實之敵至不敢窺城中圖上于朝下諭勞又大  
修學校爲詩書俎豆習射禮有水旱廩不足贍賑以私  
財民德之如父母劉槃自淮南入朝帝問淮事具言庭  
芝老誠謹重軍民安之今邊塵不驚百廢具舉皆陛下



委任得人<sub>之</sub>效也咸淳三年就加兵部尚書五年轉兩  
淮安撫制置大使兼知揚州北兵圍襄陽復攻京湖兼  
夔路策應督師援之賜錢二百萬預備給賞范文虎貽  
書似道曰吾將兵數萬入襄陽一戰可平但無使聽命  
於京闈事成則功歸恩相似道喜即除文虎福州觀察  
使其兵從中制文虎乃日攜美妾走馬擊毬爲樂庭芝  
屢欲進兵辭以取自未至明年六月不得已始一出師  
未至鹿門中道遁去竟失襄陽陳宜中請誅文虎似道  
芘之止降一官猶令知安慶庭芝自劾請代不允遂得

隨州志

卷十一 耆舊

九

貶歸九年元復圍揚州起庭芝兩淮安撫制置使賜錢  
二百萬十年築清河口城賜名清河軍十二月元兵破  
鄂蕪湖兵潰沿江諸郡或降或遁無一人能守者庭芝  
首遣兵入衛爲諸道勤王倡檄所部郡縣各嚴城守有  
持書榜招降者焚而梟之調苗再成兵戰其南許文德  
戰其北姜才施忠戰其中日持金帛牛酒燕犒將士人  
人爲之死鬪朝廷慰勞日至加叅知政事兼知樞密院  
事伯顏入臨安留元帥阿朮攻揚州久不下築長圍跨  
灣頭至丁村徵久困之城中乏食命括民間粟盡令出

之官戶已盡及於將校雜以牛及麩葉有烹子而食者  
尚日出苦戰朝命使降庭芝登城謝曰奉命守城未聞  
降也元所遣詔使悉焚斬之時夏貴以淮西降阿木馳  
至城下旌旂蔽野幕客以言覘之庭芝泣曰吾惟一死  
而已會益王立名爲左丞相加少保乃以朱煥守揚而  
已與姜才將兵七千東入海甬至泰州煥隨以城降驅  
庭芝妻子至秦禪將孫貴胡惟孝等開門迎降庭芝聞  
變赴蓮池水淺不得死被執還揚煥責以自用兵來積  
骸滿野皆庭芝與才所爲不殺何俟死之日民皆泣下

隨州志

卷十一

書傳

十一

本傳

邊居誼隨人初事李庭芝積功至都統制使守沙陽新城  
善御下得士心凡戰守之具治之皆有法呂文煥以北  
兵破沙陽守將王大用被執進薄新城居誼率衆拒之  
文煥命列沙陽所斬首於城下復縛大用至使招降不  
答明爵又至居誼應曰吾欲與呂參政語耳文煥以爲  
降已馳馬至伏弩亂發中文煥右臂并中其馬馬仆幾  
鈎得之衆挾文煥以他馬奔走會其總制黃頤副將任  
寧開東門出降其部曲多欲繼城出者居誼悉驅入營

宮文館洪武間以貢生任禮部主事歷遷廣東按察使僉  
事持法平允有能聲 全上

楊守真永樂二十一年鄉薦戶部照磨知涇縣吏民德之  
全上

儲遜永樂癸未舉人官王府侍讀以禮閑諸王不阿權要

陳瑞壽子以廕授中書舍人歷工部侍郎正直有父風 舊志

吳彦德本儒者於諸子百家無所不讀常恨德不能及遠

願為醫以濟人乃舍所學而獨以醫鳴凡有疾病者無

貴賤咸詣其家欣然為療之遇窮困者即與之銀米衣

隨州志

卷十一 耆舊

三

物其人輒喜故其病易瘳其接人溫然以和與人言未

嘗不勸以為善鄉人稱為篤行君子子旻舉於鄉 舊志

宗文中景泰七年鄉試選都昌縣學教諭澹於榮利雖一

檀遠官南意常泰然好古嗜學尤長於詩文以子夔貴

贈御史 何文毅公考錄

章貞隨州人生一歲而喪母鞠于祖母黃氏九歲而父又

死貞攻苦力學景泰元年領鄉薦任通江教諭祖母歿

棄官歸廬於墓側日具饌如生時久之有白兔之祥 湖

廣通志

章與之子成化七年鄉試第一初授分宜縣知縣勤能  
謹慎綽有政聲後遷惠州同知 何文毅公考錄

宗藝成化二十一年進士初知建德縣以政績卓異遷山東道監察御史入臺累章勸上延訪儒臣以廣聖德奉命巡按福建不汲汲以搏繫市直聲而首舉莆田孝子劉閔請授本縣訓導以風勵末俗凡事能知所本類如此 全上

傅鳳翔字德輝爲諸生以孝友信義稱於鄉登第後知上蔡縣臨政敏達築上蔡城旋擢監察御史去民立祠祀

隨州志

卷十一

耆舊

七

之歷官僉都御史兵部右侍郎協理戎政卒于官贈右都御史賜祭廕一子 德安府志

向光振字伯羽隨州人正德中領鄉薦性嚴謹絕俗工古文詞奔父喪渡海遇風以身禱風止母病當應制不行祖所遺產悉以讓兄嘉靖中知四川高縣刻勵清操多

政績

明一統志

按明地里志高州隸叙州府洪武五年降爲縣正德十三年復爲州嘉靖中不宜復有高縣

張本字惟喬隨州人正德丁丑舉進士與王廷陳頡頏聲譽端雅澁潔人恒推重初知許州以薦調亳州懲武人

石氏之罪坐中傷免歸益萍磯自信曰彼能也吾仕而不能錯吾履能繼吾爵而不能墮吾學吾將樹風立言示範後世屹然表正於淮漢之間號淮漢先生著有家政漢東志七禮解選詩評諸書

分省人物考

陳之良字伯善初任工部主事轉刑部郎中任法不避權貴時給諫陸燦等疏劾宰執張桂專權不法諸事下刑部之良推鞠得實覆奏而桂等已還內閣良遂落職卒於家

德安府志

陳之輔字伯棐之良弟博學洽聞能爲古文辭尤長於詩

隨州志

卷十一

耆舊

五

未仕而卒時人惜之

全上

尹儒嘉靖三十八年進士少孤貧力學敦行以氣節自任

甫釋褐卽上書言邊事剴切數千言洞中時弊雖老於

邊塞者無以過也未授官卒竟未終其志

何文毅公考錄

向光大字堯夫不知何途出身知施秉縣多異政縣有二

虎負嶠爲患土人以爲神虎爭祀以羊豕甚或以人虎

乃不出一不謹則出肆啞不可勝計光大至卽備器械

選丁壯約日與虎戰先期爲文告城隍神謂已與神俱

有責如虎以戰死則神無功當易神祀若未戰而虎生

死則神之功不朽永宜血食期未至而土人來告二虎

自相關死後卒於官民立廟祀之

德安府志

劉應民嘉靖三十四年舉人仕至南京兵部郎中居官數  
著循迹居鄉號爲善人

何文毅公考

宗武隆慶元年舉人選授大足縣知縣孝友仁厚治大  
足以清介著聲民立碑頌德

全上

宗彥字君美其父由金谿客隨州遂家焉宗彥舉萬曆  
二十三年進士累官詹事四十二年遷禮部右侍郎署  
部事福王之國河南請求無已宗彥上疏言可慮者有

隨州志

卷十一

耆舊

美

六帝不聽又屢疏請東宮講學皇孫就傅及瑞惠桂三  
王婚禮太子生母王貴妃薨不置守墳內官又不置墳  
戶贍地宗彥力爭之梃擊事起宗彥因言天下疑陛下  
薄太子久太子處積輕之勢致慈慶宮門止以耄年二  
內侍中門則寂無一人乞亟下張差廷訊凡青宮諸典  
禮悉允臣部施行宗社幸甚不報尋轉左侍郎署部事  
如故四十四年冬隆德殿災宗彥請通下情修廢政補  
曠官明年皇長孫年十三未就傅宗彥再疏力言自見  
頽歲懇請帝終不納四十六年六月京師地震上修省

三事時帝不視朝已三十載朝政積弛庶官盡廢宗  
清修有執攝尚書事六年遇事侃侃敷奏時望甚隆  
年十二月會推閣臣廷臣多首宗彥獨吏科給事中  
廷登不署名遂不獲與宗彥旋乞假去御史薛敷政  
毅中左光斗李徵儀倪應春彭際遇張新詔等交章  
之而廷登同官元詩教薛鳳翔又屢疏糾駁其時齊黨  
勢盛非同類率排去之宗彥無所附麗故終不安其位  
明年神宗崩光宗立即家拜禮部尚書兼東閣大學士  
天啟元年夏還朝屢加少師兼太子太師吏部尚書建

隨州志

卷十一 舊舊

三

極殿大學士四年正月卒官贈太傅諡文毅 明史本傳

虞正縉萬歷三十二年進士選授重慶府推官有才學寡

交遊傲岸一世 舊志

劉延漢萬歷三十七年舉人初任湖口縣知縣行取工部

主事清謹自勵始終如一所至輒多惠政 全上

程鐸天啟元年舉人惠州府推官清介絕俗在粵兩載而

卒昇櫬還楚行旅蕭然 全上

何允輔字近川少讀書卽羞語科名謂君子窮當自食其  
力安能齷齪事咕嗶強顏干祿猶自稱儒者耶于是買

而耕布衣藿食足跡絕於城市見人爲善則勸進  
見人爲不善則正色直諫必改而後止有司聞屢以鄉  
飲酒禮請卒辭不赴 全上

如臯以天啟四年貢任瀏陽縣教諭清才遠學克重鄉  
評 全上

萬士奇以天啟七年貢任廣東新安縣訓導擢知東安縣  
具幹濟才慷慨自許素爲鄉里所推重仕不竟其學時  
人惜之 全上

諭於義歲貢生以文行爲鄉黨所推重崇正十年二月流

隨州志

卷十一 耆舊

天

寇陷隨州於義母朱氏老憊不能出賊掩至於義以身  
庇母賊殺之母守其屍而哭賊感動乃去母因得全人  
以爲死孝子震生入

本朝以貢爲休寧縣丞震生子怡能詩工書法例授州同 全

張士維隨州人世襲安陸衛百戶崇正十一年三月初一

日流賊張獻忠薄隨州破外南關士維帥衆堅守晝

不息城得不破賊自引去至十一日夜賊衆突至攻城

甚急士維守北門拒益力三更城陷士維奮身決戰

被重創猶手格殺數賊然後死 全上



源謝君聞鍾以嘉王玉奎王玉珍俱以諸生助守城  
陷日俱巷戰死 全上

張映奎者隨諸生城陷巷戰不勝全家閉門墜井死 全上

張士進河南彰德府同知張士選廣西安州知州蕭鳳翔  
府天府通判俱致仕家居佐知州徐世淳戰守城陷俱

不屈死 補錄

全其善沈先約熊嗣光呂封齊俱諸生分城以守城陷俱

巷戰死 補錄

謝隆恩隨庠生也崇正十四年四月二十二日賊張獻忠

隨州志

卷十一

書舊

无

羅汝才突至攻城時人心初集防守莫支隆恩素有旂  
力率生員全其善梁天培呂封齊四面拒敵大戰一日  
矢石盡竭孤城再陷知州徐世淳學正詹濤鄉紳張士  
進張士選蕭鳳翔生員沈先約熊嗣光俱戰死隆恩於  
鋒中大呼曰我父在不敢死一手抵賊一手攜父東臯  
出營負走三十里而父子俱全賊擄百姓男婦數千人

折城一占盡平 舊志

梁天培生崇正十四年四月流賊薄州城天培偕諸生  
謝隆恩全其善呂封齊輩助知州徐世淳死戰城陷

陷天培歸與家人訣曰予有死無貳若等能全我母  
死且不朽城陷天培戰死母喻氏率得金賊退其僕凌  
雲得天培屍於文昌門下

補錄

永蕃安陸衛百戶崇正十四年四月隨州已破賊墮其城  
而去蕃偕守備黃章袞壘南門樓基爲堡有衆千餘人  
誓同死守七月賊復至攻之不克使人誘降不應賊擊  
以巨礮蕃與千餘人俱死堡中

補錄

何士達隨州監生少倜儻會明末多故思以才力自見乃  
走鄧州謁副總兵湯九州縱談兵務九州壯之留使自

隨州志

卷十一

耆舊

三

効從勦賊有功又往來運米襄漢無後期權授都司銜  
崇正九年九州戰歿部下散去士達始歸聚鄉人結寨  
自保名人和寨衆至數百人推士達爲首號曰都士隸  
副總兵秦翼明時翼明扼賊于州北之三道河會糧盡  
退入棗陽檄士達餉師士達急刮寨中米親運入營師  
始得飽後雖州城再陷而寨中終得保全士達力也

舊志

梁凝祺鄉貢生弟凝祉名諸生皆舉人惟柱子也以才幹  
稱明季賊氛日熾詣知州徐世淳陳戰守略世淳奇其  
崇正十四年四月與隨百餘里皆賊營攻城甚急凝

今方營戰城猝陷世淳戰死乃率其走保顏家寨而  
賊自是亦力盡矣毀城去凝祺兄弟隨至城覓得世淳  
屍殮之後世淳子質可來叩父死難狀於凝祺凝祺錄  
其始末授之凝祺後除益陽縣學教諭凝祉以功特授

商城知縣

補錄

王尚偉世居州北王子城素饒膽略賊至糾義勇結寨以  
聯絡桐柏一帶山砦賊不敢近督師聞而壯之乃劄授  
守備銜使爲寨首無事則屯田有警則接應大爲隨北

聲援

補錄

隨州志

卷十一

耆舊

三五

宋之彥字仲穎少爲諸生以能文稱爲人慷慨好義素爲  
鄉里所推服崇正末寇氛滿布豫楚之間尤甚鄉人結  
社自保共推之彥爲帥號漢勇營之彥號令嚴明人樂  
爲之盡力一時稱善戰守者以漢勇營爲首十六年巡  
撫宋一鶴札授都司銜是年秋流賊被信陽下三關以  
其黨僞都尉吳漢忠領衆七千守平靖而以胡定國爲  
僞知州之彥聞之乃精選義勇三百人夜襲平靖賊不  
意猝至遂潰乃擒漢忠還兵北攻信陽定國殊死守之  
彥四面攻益力賊死者甚衆之彥呼曰有生得胡定

者予百金賊或執定國降立誅之復使人縊殺漢忠於營漢忠者之彥鄉里也故不忍親殺之歸而厚卹其家以功叙參將屢檄征勦戰功爲淮南第一將大用而之彥以國事日非乃乞免歸偕其子宗郊猶子宗祁避居於佛子洞山咏游自得人不知其曾爲將也

補錄

本朝

何操敬字主洛明太傅宗彥冢孫也才氣豪邁少年客遊江南時值饑疫骸骨載道乃捐銀八百兩收埋之順治初隨征廣東有功檄署知儋州事當兵革之後撫輯有方黎民安之至十三年歸里康熙二十六年舉鄉飲大賓著有是何詩集

梁肯奐字仲美順治五年拔貢初無意於仕進或激之始出應

隨州志

卷十一

耆舊

三

廷試康熙五年試第一除漢中府通判時吳逆出藩雲南肯奐策其必反預白於府增設關隘練軍實以功擢本府同知再遷知汝寧府未赴卒于漢中

肯奐字起石明末爲諸生團練義勇以保鄉里入

安府城以功準貢授竟陵縣主簿攝縣事集流

之議而邊守可虞乃作木瓜園志以申其說識者知其有良將才

鍾維聲字開先康熙辛酉甲子兩中副榜爲通山教諭丁艱後起復桂陽教諭喜引掖後進及門蕭必昌鄴遠家貧力學皆賴其力以成名桂邑大疫貧民死無棺乃捐俸買席數千斂瘞之任滿遷常德府教授前後三爲學官皆稱職

李振藻字兆嶽博學嗜古不苟言笑生平未嘗譏人過失尤究心性理諸書教門弟子必以主敬爲先謂敬則心

隨州志

卷十一

耆舊

三

不外馳而作事自然周到著有朱子大全纂要文成數萬手自繕錄字大如黍而通首端楷未嘗謬一字卽此亦足見其主敬之功矣

朱奇生字亦人其先嫠人考亭苗裔也康熙丁丑選拔歷

試十數科不第慨然曰窮達命也安可慕榮名而易此

性分中真樂哉遂長謝鄉闈閉戶讀書潛心濂關閩之洛

學以別白理欲之分手注四書發註一書學者宗之先

生嘗謂人獸關頭只爭一線生平可怕處在此幾希因

自題所作文稿曰幾希集又作四字心法以警學者曰

以藐焉之身中處天地與萬物同生不與萬物同盡者豈徒工於文辭取顯名而享厚實遂足不朽乎哉亦學爲聖賢超乎庸衆求全天之所以與我者而已聖賢垂訓具在經書詞雖各異無非欲人治其心以復其性最切要者莫如忠恕敬勤四字發已自盡之謂忠推已及人之謂恕主一無適之謂敬自強不息之謂勤而敬之一字乃歷聖傳授心法程子指以示人尤爲切要其云主一之謂敬無適之謂一主一者事在此心卽在此適往也主於此事則不移於他事蓋心者一身之主而萬

事之綱也其官則思而人心道心分焉邪僻之思宜絕閒雜之思宜屏義理之思宜慎倘紛紜馳騫放而不求則一身無主萬事無綱大之五倫五事小之食息起居從欲則易順理則難心放而天之所以與我者不可問矣敬則整齊嚴肅收斂身心凡一切妄念隨起隨滅當其知放便已在此不待遠求顧心有動靜敬亦貫乎動靜存養於靜時尤宜省察於動念果能時時提撕行住坐卧常存不忘無少閒斷一念方動卽謹之以審其幾善則必爲惡則決去欲念消則理念長一心之內靜而

廓然大公動而物來順應忠以立恕之體恕以致忠之  
用至於人欲淨盡天理流行是卽克己復禮天下歸仁  
聖賢可學而至矣但敬之分量無窮各隨其大小以爲  
應上之可至於聖賢次之不流於庸衆願力行何如耳  
若率意徇情侈然自肆小不敬則小失大不敬則大失  
甚者乘權藉勢驕奢淫泆以至身敗名辱亦各隨其小  
大以爲應此侈肆之心放逸怠惰所以私意蔽塞不忠  
不恕日流於庸衆而不自知也茲提忠恕敬勤四字爲  
綱實則約之只二字及其成功又只一字蓋忠恕者表

子之道敬勤者求道之功無忠難做恕不敬焉能勤敬  
之久而純乎忠焉卽至誠無息矣然其始惟在於立志  
誠以聖賢爲必可學而不安於庸衆以忠爲主強恕而  
行持之以敬習之以勤庶仰不愧俯不怍天之所以與  
我者克全而存順沒寧豈與萬物同盡哉余旣以主忠  
行恕持敬習勤大書榜聯爲傳家心法茲復申言其義  
質諸同心之人又有敬字訣曰爲聖爲賢在此心敬之  
一字值千金分明有個入門路何事學人空咏吟又示  
諸子四言詩曰天地之性莫貴於人臨深履薄守身事

親忠以盡已恕以接物當學顏曾三省四勿博文約禮  
格致誠正學貴知行功惟主敬爾猶良苗培養勿懈秀  
而不實不如萑稗隨城東門內有二賢祠祀季梁歐陽  
修先生上居於祠之右名其堂曰鄰賢以寓景仰之意  
遠近從學者常數十人先生講學以考亭爲宗以居敬  
窮理爲要漢東學者以先生爲第一年七十餘卒州人  
以配享於二賢祠子集濂集洛孫希聖皆能世其學  
楊浏州諸生與梁高捷張大中汪惺王應運同師事朱奇  
生預聞性理之學於四書發註一書多所訂正

隨州志

卷之十一 耆舊

三

何綿尚字二水性倜儻尚義輕利以選貢授扶風縣丞以  
嚴爲理初至吏或以賄試之乃重責而逐之廉聲大著  
然終以剛直忤上官被劾去邑民攀留不釋至歲餘始  
得歸行旅蕭然其貧乃過於未仕時其弟錦尚字組經  
幼勤學終日不出戶見善行輒揚之惟恐其不著有言  
人過者則若不聞以歲貢終

王應仁字樸軒自幼喜焚香讀書見人舉止有乖卽面斥  
之無少隱嘗語人當閑邪存誠以正人心教授生徒名  
盛一時



羅治字傳十以癸酉選拔選遠安縣教諭遠安故僻壤治  
至立課程嚴教法士風蒸蒸日上變已卯鄉試中式第六  
後奉檄看江陵水災慨然曰瘠民望粒米以活命少緩  
之卽死溝壑矣勸上官立賑之全活甚衆漢陽方燧贈  
以詩曰誰不登臺省偏令此客閒儒官勤吏職講席恤  
民艱白屋千家飽清風兩袖還鄭虔同鄭俠名字滿人  
閒指此事也乾隆三十五年遷常德府教授以疾歸卒  
治天性孝友品概端卓與人交敦氣誼文章醇雅子五  
皆能世其家

隨州志

卷十一

耆舊

三

劉顯字映南乾隆乙酉科舉人篤學勵志從學數百人前  
刺史 金 胡 蒞隨時皆推重之詩古文詞能自成  
家爲士林傳誦辛卯春赴試禮闈病卒京邸州人士無  
不嘆惜

吳組周苦志力學品望爲鄉里所推重知州吳崐詳請學  
憲 書宿學鴻儒額表其門閭以爲爲士者法

萬持字懋生州諸生天資質樸推誠接物與人言未嘗不  
教以善道故里俗爲之一變

孝義

聖賢終身行之而不盡者惟孝故孝不可名其可名者一事耳遂得與出粟濟人者同類而稱所謂一事可傳均足不朽也志孝義第二十七

元

高可壽隨州人居喪廬墓文宗至順二年以孝行舉諸旌

其門 元史

明

黃鍾鄒信黃珍龔遜趙景周文亮程諫王瑄劉觀熊洪石

隨州志

卷十一

孝義

三九

文富王俊馬仲剛皆遠年奉例出粟賑濟朝廷叙以義官予冠帶石彥彰劉景隆宮文達謀也何富皆正統中奉例出穀千石備賑濟有司勞以至酒免徭役旌為義民黃諾何敬張源曹旺石淦梁寧張輔程萬鵬王庭忠皆成化中奉例出銀賑濟得官 舊志

趙士選崇正時亂作將奉其父汝芳避賊於城南之峯峩寨中士選先行父于路為賊所執士選聞之即返見賊願以身代賊廼釋其父而執士選去至黃州賊營時家有牛亦為賊掠去士選至營見其牛牛忽垂淚士選亦

一 涪城問其故始憐而釋之

全上

朝

劉啟龍年十七母陶氏病偶思食內家貧急無以供啟龍念母病且殆恐旦夕死則終身不得肉食遂自割股肉以進母病繼愈後壽至八旬啟龍至老色養不衰

全上

黃國柱字維祿其先無錫人性孝友父歿析產盡以贖地與弟而自耕瘠土數年遂能自立尤慷慨好義於鄉里之貧乏者客之遠來者無不厚卹之明末流屢廢民家農器皆弗具國柱乃多鑄鋤耨市耕牛以廣給之以此

隨州志

卷十一

孝義

四十

遂罄其貲繼而益困至寄食于人爲所逐乃自刻苦稍稱貸爲生計不數年復富益以豪俠自任所施益博貧民之仰而待給者連數邑或有冤抑必爲直之故守令事亦倚以辦卒之日民巷哭者戶相聞也四方之士來會喪者至數千人

汪恂字主一天性孝友工詩文童年卽見重于知州黃鎮州試置第二使入見其母母亦廉知其孝會試學使者未售曰烏可使孝子不列宮牆因給以讀書資恂益攻苦遂獲雋鎮延爲子師父母病侍湯藥衣不解帶者二

年有餘後父母相繼歿以毀瘠卒弟悞亦讀書自好與  
詢俱工書法人稱二汪

劉之緒貧士也會除夕往貸婿家中途拾銀三十兩念寡  
人歲晚需此孔亟失之者禍且不測遂立而俟久之見  
一人惶遽來奔四顧大哭問之卽失銀者詢其數與所  
拾正合立還之子景顯之緒卒時顯尚幼景撫育之至  
成人延師課讀顯亦善體兄志敦行勵學後中乙酉科  
鄉試辛卯揀選知縣景性好善凡族戚中貧苦孤危者  
每極力賙恤歲凶減米價遇水火災多方救濟獨力修

隨州志

卷十一 孝義

四一

泮宮及道路歲遣人培荒郊野塚又置義塚收掩暴露  
枯骨無數

龔京山貧民也雍正八年有嘉魚民途出隨州遺銀爲京  
山所得追而還之州人公贈以超出塵表額

歐陽正文本蕭姓鄰人歐陽霞彩撫爲子甫三歲而霞彩  
死其妻歐氏守節撫正文以長歐氏病正文割股肉  
藥以進病遂愈越十年復病正文再割股前知州黃  
書孝思可嘉匾以表之後年八十餘卒

蕭倫公五世同居 門肅穆閭里稱之無間言

王文燦五世同居共食者八十餘人人無私蓄無私作飲食者羣處和集爲時所稱

張作舟以傭自食居臨大道夜半聞門外有聲命其子天佑出視見一騾橐載纍然乃收之逮旦牽騾出詢失主至廟潭舖知爲山西賈客所遺也客解橐出視所有銀七十兩錢六千分其半以爲謝作舟父子義不肯受

王愷性至孝年十五繼母陳氏久病與其兄文林侍左右奉湯藥弗息愷憂湯罔效因念昔人多有割股肉愈親疾者卽潛自割股成羹以進母病良已然終不自言既

隨州志

卷十一

孝義

四二

而母疑其盛暑不裋衣復窺見其臂創遂窮詰之始得其故于是聞於州知州金嶠書孝以愚敦四字表其門呂伯莊字式端州庠生端謹不苟嘗笑勇於爲義族黨困乏者靡不周恤孫紹尚能繼其志有聲庠序

儲崇彝字敦五性至孝年十四喪母哀毀骨立事繼母如所生父沒弟幼崇彝撫養以成授之腴產自取磽瘠者二子長青銓監生次青選生員世敦孝友青銓嘗得危疾青選他出聞之夜半馳歸遇疾雷震電大雨如注昏冥不可乘馬徒步涉山溪值水暴漲抱浮木以渡抵家

青銓昏不知人青選號泣跪雷雨中祝請身代而疾遽  
起青選子嘉珩得寒疾青銓禱天請以包子代殤二兩  
難之

生員孫應科值年饑捐谷千石貯社倉州牧沈賜義局同  
類額孫監生敷賁承父遺命捐田六石充書院膏火州  
牧莫詳撫軍陳給三世孝義額以旌其門

附  
義僕

明

時元永平府同知華崇僕也崇少孤貧不能自給元治  
圃賣蔬以俱崇性豪放喜結客出必二三輩其飲飲必  
醉元攜杖頭以從無吝色家居讀書則供茶膳惟謹若  
偶廢業則正色責諫不少遜往往至于痛哭崇爲之斂  
容謝然後已後崇舉於鄉而元死矣 舊志

凌雲梁氏僕梁天培之狗國難也子宗極甫七齡隨母  
賀氏扶其祖母喻以出匿郊野越二日生次子申極賀

隨州志

卷十一

孝義附義僕

四

慮嬰兒爲姑累遂棄之凌雲旣於鋒刃中求得天培尸  
復往求申極見申極卧叢棘中肌膚糜爛爲蟲蟻所攢  
食幸未死抱歸令其婦簡氏視之簡故目昏以舌舐其  
身知棘刺所在拔以齒始得全申極後以鄉舉仕爲助  
教終身德之至今梁氏猶祀凌雲夫婦云